



Hans Enoksen
Inatsisartuni ilaasortaq

Uuliap akiata allanngortinneqarnissaa pillugu apeqquteqaammaut nr. 020- imut akissuteqaat

Inatsisartut suleriaasianni § 37, imm. 1 naapertorlugu uuliap akianut tunngasunik Naalakkersuisunut apeqqutinik saqqummiussaqaarsimavutit. Apeqqutit sulias-saqarfigisanni akineqartussanngorlugit innersuutigineqarput.

16. februar 2015
Sagsnr. 2015-110498
Dok. Nr. 1863927

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

1. Qaqugu uuliap akia appartinneqarniarpa?

Akissut:

Kingusinnerpaamik 1. december 2014-imi KNI A/S Polaroilip nittartagaa malillugu annikitsukkuutaamik akigititat allanngortinneqarput, ataaniittoq malillugit akit imatut appartinneqarlutik.

- Gasolie/diesel: literikkaamut 6,65 kr.-mit 6,41 kr.-mut, ilanngullugu literimut 10 øremik avatangiisinut akitsuut.
- Petruuliu: literikkaamut 6,76 kr.-mit 6,52 kr.-mut, ilanngullugu literimut 10 øremik avatangiisinut akitsuut.
- Benziina: literikkaamut 6,50 kr.-mit 6,26 kr.-mut, ilanngullugu literimut 10 øremik avatangiisinut akitsuut.

2015-imut uuliamik tunisassianik nunamut eqqussinerit 2015-imi apriliip qaammataanit pisussatut naatsorsuutigineqarneri KNI A/S Polaroilip ilisimatitsissutigaa.

2. Qanorlu annertutigisumik appaasoqarniarpa?

Akissut:

Apeqqut 1-imut akissutit takukkit.

3. Uuliap akianik appaanermi arlaatigut nioqqutissanik soorlu aalisar- nermut atortunik, piniarnermut atortunik allanilluunniit nioqqutissanik akisunerulersitsisoqassua?

Akissut:

Uuliap akianik aalajangersaasarnerup aamma aalisarnermut atortunik, piniarnermut atortunik nioqqutissanilluunniit allanik akinik aalajangersaasarnerup akornanni ataqatigiissoqanngitsoq KNI A/S Polaroilip ilisimatitsissutigaa. KNI-p suliffissuani immikkoortortat assigiinngitsut akornanni akimuisumik

ikiorsiisoqartarnissamik Namminersorlutik Oqartussallu kiffartuussinissamik
isumaqatigiissutip peqqusinnginnera KNI A/S Polaroilip sianigeqquaa.

Inussiarnersumik inuulluaqqusillunga


Vittus Qujaukitsog